



Ricoverammece



Versi: Gaetano Orefice Musica: Giovanni Scala & Saverio Sirignano

I° parte

Gente currite venite a vedé!
ma ch'è succieso fancello sapé!
gente currite venite a senti'!
ne' che succieso ma mo c''o vvuó di'!
che d'è che d'è... che d'è che d'è
dice ca 'nata paranza ce sta!
ma è furastera o d'a Barra chi sa?
è 'na barrese hanno ditto accusì.
Tu nun staie buono t'e ricoverà!
'a lla 'na lla... 'a lla 'a lla!!

Ritornello

nasce pe' mane 'e 'na capa malata,
neh chisto 'a gente m'addò l'ha pigliata...
ormai cca nisciuno ll'aize cchiù,
presto fermatelo pe' carità.
Nasce pe' mmane 'e 'na gran capa 'e pazze,
se musuchea dinte 'e circhele e piazze,
sicuro poi si ricovererà
chi tene 'o stommeche da cumanna'.
ma si ma si... Ma si ma si...!

II° parte

Neh ma pecché te vuo' scandalizza'...?
tu 'nzieme a chillo t'e ricoverà.
Neh ma pecché staie ricenno accusì...?
nella sua stanza tu vaie a furni'.
Ma chi? ma chi... Ma chi ma chi...!
guardete attorno e fammello sapé.
Ma tu vulisse nzurda' pure a mme?
guardete attorno e dimme 'a verità...
'o saie ca me staie facenne pensa'...?
e guarda e gua'... e guarda e gua'...!

Ritornello

Ce sta chi nun sape manco addò 'o posa
e pó s'appara cuntanno e tifose,
ce sta chi spisso nun guarda 'o deritto
basta che dice ie 'a coppe me metto.
Ce sta chi nun galligiasse nemmeno
si' ll'alluvione fosse a fin di bene.
Chi arroste carne per un mese e più
e pó 'a dummeneca nn'o porta cchiù...
Chiucchiù chiucchiù...! Chiucchiù chiucchiù...!

III° parte

In conclusione, ce pó pure sta...
te dico si ma pe' t'accuntenta'.
Dimme, qual'è la tua perplessità?
'e furastere che venene cca'.
Ma chi ma che...! Ma chi ma che...?
piense che stanno assaie meglio paisa'...?
nun ce vó 'a zingara p'andivina'.
Piense ca veneno a vincere cca...?
nun ce vó 'a zingara p'andivina'.
M'addò m'addò...! M'addò m'addò...!

Ritornello

songo 'e Brusciano o só È Casavatore,
songo 'e Crispano o só chilli lla 'e Nola,
'n'anno 'e mmuina pullmanne e canzone,
e pó 'a dummeneca n'e puo' guarda'.
Pure chi ha scritto 'sta specie 'e canzona
'nzieme 'o maestro e' cantante e chi sona,
stanno 'nguaiate m'assaie peggio 'e ll'ate,
prieste facitele ricovera'.
Ma si ma si...! Ma si ma si...!
(S'hanna ricovera'!!)